

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01 _____/12
Datum: _____ 2017. godine

PRIJEDLOG

Na osnovu člana 49. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ broj 35/05), člana 14. i 33. Statuta Općine Tešanj („Službeni glasnik Općine Tešanj”, broj 11/07), Općinsko vijeće Tešanj na svojoj ____ sjednici održanoj _____ godine d o n o s i,

O D L U K U

o stavljanju van snage Odluke o osnivanju Mjesnih ureda Općine Tešanj u Kaloševiću i Šijama

Član 1.

Ovom Odlukom stavlja se van snage Odluke o osnivanju Mjesnih ureda Općine Tešanj u Kaloševiću i Šijama („Službeni glasnik Općine Tešanj“ broj 6/12).

Član 2.

Prostorije korištene za rad Ureda Općinski načelnik će staviti na raspolaganje Mjesnim zajednicama i Udruženjima građana posebnim aktom (ugovorom i slično), bez promjene prava vlasništva i upisa.

Član 3.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

PREDSJEDAVAJUĆI VIJEĆA

Senad N. Subašić, dipl. ecc.

OBRAZLOŽENJE

I - Pravni osnov

Pravni osnov za donošenje ove odluke čini:

- član 49. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05),
- član 14. i 33. Statuta Općine Tešanj (“Službeni glasnik Općine Tešanj” broj 11/07).

II - Razlozi donošenja

Odluka o osnivanju ureda donesena je u skladu sa članom 33. Statuta Općine Tešanj, u kojem je regulisano da za obavljanje određenih poslova iz nadležnosti općinskih službi za upravu mogu se za jedno ili više naseljenih mjesta osnovati mjesni uredi izvan sjedišta općinskih službi za upravu.

Općinski Uredi u Šijama i Kaloševiću otvoreni su radi efikasnog pružanja usluga, zadovoljenja potreba i interesa lokalnog stanovništva. Nakon početnih priprema prostora za početak rada, pripreme potrebnih instalacija i dr. Uredi su počeli sa radom. Tokom rada smo došli do slijedećih pokazatelja:

- Prosječni trošak za rad jednog općinskog ureda sa jednim uposlenikom je cca 110 KM dnevno. To uključuje bruto troškove rada, troškove grijanja, električne energije, telefona i dr.
- Tokom rada i pružanja usluga u Uredima zabilježen je izuzetno nizak broj usluga koje su građani koristili. Prosjek dnevnih usluga u uredima je bio dvije usluge (uglavnom ovjere kopija ili potpisa, rjeđe izvodi iz matičnih knjiga). Usporedbe radi, Uredi u Jelahu i Tešanjci rade u punom kapacitetu. Pokazatelji samo nekih izvršenih usluga u uredu Jelah za jedan mjesec su slijedeći: broj ovjera 1664, vjenčanja 21, te 101 upis matične knjige, u Uredu Tešanjka broj ovjera 394, vjenčanja 4, te 28 upisa u matične knjige, dok je u uredima Šije i Kalošević bio prosjek dvije usluge na dnevnom nivou.
- Tokom rada Ureda imali smo i dodatne poteškoće koje su se ogledale u čestim prekidima u komunikaciji sa Općinom Tešanj (interneteska veza koja je bila iznajmljena), a dodatno osposobljavanje komunikacije (za najstabilniji rad su vlastiti optički kablovi) zahtijevalo bi značajnija finansijska sredstva, te smatramo da nije opravdano dodatno ulaganje.
- Uočen je i dodatni problem nemogućnosti držanja matičnih knjiga u ovim uredima jer postoje novi i posebni propisi o matičnim knjigama. Nastavak rada bi podrazumijevao i nove troškove za ispunjavanje uslova prema novim standardima iako nije za očekivati povećanje broja usluga (kancelarijski namještaj, stalni video nadzor i dr.).


Analizirajući stvarne troškove za rad ureda u Kaloševiću i Šijama i ostvarene efekte u pružanju usluga, izvršena je konsultacija sa predstavnicima mjesnih zajednica, te je predloženo da se prostor stavi na raspolaganje mjesnim zajednicama ili putem njih udruženjima građana na ovom prostoru. Shodno iznesenom predložena je odluka u datom obliku.

Dostaviti:

1. Naslovu
2. Arhiva

OBRAĐIVAČ

Služba za boračko-invalidsku
zaštitu i opću upravu


Sabahudin Omerbašić, profesor



PREDLAGAČ
OPĆINSKI NAČELNIK


Mr. Sc. Suad Huskić

Broj: 02-02-1-2015-3/12

Datum: 20.3.2017. godine